

Հնար ու մեք ձեռնարկել 'ի շինութիւն տաճարին . զի եթէ Յոյնք միայն կամին շինել զայն , նորոգեսցեն նախ զմզկիթն Օմարայ և զՋրմուղն՝ բերել ջուր 'ի քաղաքն յաւազանաց Սողոմոնի՝ և ապա թոյլ տամք : Այս միարանութիւն ուսմկին հաստատեալ էր երգմամբ յօրէնս և 'ի պաշտամունս իւրեանց . 'ի սոյն նուագ եւս այսպէս խափանեցաւ խորհուրդն Յունաց , եւ լռեցին ժամանակ ինչ , այլ ոչ դադարէին 'ի նախատելոյ եւ 'ի ձաղելոյ զՀայս , որ պաշարեալ նստէին 'ի սուգ տրտմութեան՝ զի փոխանակ դրամոց՝ ունէին զբազմագումար պարտս : Թէպէտեւ ետուն ընթեռնուլ առանձին զՀին հրովարտակս Միւֆթիի քաղաքին , այլ ընկալան սատասխանի՝ թէ սուանց դրամի ոչ ինչ օգնէ :

Տեսեալ Յունաց թէ ձեղքեցաւ քաղաքն եւ խոչ են գործոց իւրեանց , այլ իմն խորհուրդ 'ի մէջ առին . ձգել զբովանդակ այլազգիս 'ի կողմն իւրեանց՝ առանց խտրելոյ զանարդն և զպատուականն . նախ շահեցին զմիտս դատաւորին՝ տալով նմա 115 քսակս դրամոց . նոյնպէս և այլոց՝ ըստ կարգի և աստիճանի , ձգեցին 'ի կողմն իւրեանց նա և զբարեկամս Հայոց և Լատինաց , և զայնոսիկ իսկ , որք աշխատութեամբ իւրեանց պահէին զորդիս և զընտանիս 'ի վանացն Հայոց՝ եւ յետին աղքատն՝ որ կրէր զանուն Տաճկի՝ էառ 40 ըռեալ , և այսպէս բովանդակ այլազգիք քաղաքին դարձան 'ի կողմն Յունաց , և Հայք քակեցան 'ի բուն բարեկամաց իւրեանց՝ և կային 'ի տարակուսանս , և յօրէ օր սպասէին հանդիպիլ մեծի փոթորկի և կրել զանսպատուութիւն , թող զյոխորտան եւ զմեծարանելն Յունաց :

'ի սոյն աւուր եկեալ էր յերոստողմ Եռեսուֆ աղա՝ զինակիր Եռեսուֆ Փաշայի կուսակալին Դամասկոսի՝ բերեալ զիր 'ի նմանէ . վերստին գումարեցաւ ժողովն ('ի 16 Յուլիսի) : 'ի սոյն հանդէս կոչեցան Հայք և Լատինք . նախ ընթերցան զհրովարտակն և ապա զհրաման Կուսակալին՝ որ ասէր , ըստ հրամանի Արքային եւ համաձայն Յէրիի օրինաց ելանել 'ի քննութիւն և շինել Հարցին ցՓոխանորդն Լատինաց՝ թէ զի՞նչ ունիք ասել առ այս , և նա արար պատասխանի՝ այսպիսի խնդիրք դատաստա-